

არმენოლოგია (Armenian Studies)

BA

სავალდებულო კურსები
(Compulsorily courses)

1. ახალი სომხური ენა 1

Modern Armenian language 1

კურსის ფარგლებში სტუდენტები შეისწავლიან სომხურ ანბანს, წერა-კითხვას, გაეცნობიან სომხური ენის ფონეტიკის საკითხებს, დაეუფლებიან სასაუბროდ საჭირო ლექსიკურ მარაგს და გაიწაფებიან სომხურად მარტივი და ადაპტირებული ტექსტების კითხვასა და თარგმანში.

2. ახალი სომხური ენა 2

Modern Armenian language 2

კურსის ფარგლებში სტუდენტები გაივლიან სომხური ენის მორფოლოგიის სრულ კურსს; შეივსებენ სომხური ენის საბაზისო ლექსიკურ მარაგს; გაიუმჯობესებენ და გაიმყარებენ სომხურად წერის, კითხვის, თარგმანისა და აზრის გამოხატვის უნარს.

3. ახალი სომხური ენა 3

Modern Armenian language 3

კურსის ფარგლებში სტუდენტები დაასრულებენ სომხური ენის მორფოლოგიის საკითხთა შესწავლასა და სინტაქსური საკითხების განხილვას. სტუდენტები გაიღრმავებენ წერისა და თარგმნის უნარ-ჩვევებს, დაეუფლებიან სასაუბრო სომხურისათვის საჭირო თეორიული ცოდნასა და მისი პრაქტიკაში გამოყენების უნარ-ჩვევებს, გაიმდიდრებენ ლექსიკურ მარაგს.

4. ახალი სომხური ენა 4

Modern Armenian language 4

კურსი მისცემს სტუდენტს მყარ ცოდნას სომხური ენის ფონეტიკურ-ფონოლოგიურ, მორფოლოგიურ და სინტაქსურ სისტემებში; მოხდება სომხური ენის არსებული ლექსიკური მარაგის გამდიდრება, ტექსტის ლინგვისტური და ლიტერატურული ანალიზის ჩვევათა დახვეწა, რათა სტუდენტმა შეძლოს ნებისმიერი სირთულის ტექსტის წაკითხვა, თარგმნა, ინტერპრეტირება და თავისუფალი საუბარი სომხურ ენაზე.

5. ძველი სომხური ენა 1

Classical Armenian language 1

კურსის ფარგლებში სტუდენტები შეისწავლიან კითხვას ძველ სომხურ ენაზე, გაეცნობიან მორფოლოგიისა და სინტაქსის თავისებურებებს, რის შედეგადაც შეძლებენ მარტივი ტექსტების თარგმნას სახელმძღვანელო სათვის დართული ქრესტომათიიდან.

6. *ძველი სომხური ენა 2*
Classical Armenian language 2

კურსის ფარგლებში სტუდენტები გაიღრმავებენ და განიმტკიცებენ სწავლების წინა ეტაპზე (ძველი სომხური ენა 1) მორფოლოგიასა და სინტაქსში მიღებული ცოდნას, შეივსებენ ლექსიკურ მარაგს; შედეგად, სტუდენტები შეძლებენ წაკითხონ და თარგმნონ საშუალო სირთულის ძველი სომხური მწერლობის ძეგლი (ბიბლია).

7. *ძველი სომხური ენა 3*
Classical Armenian language 3

კურსის ფარგლებში სტუდენტები გაიღრმავებენ და განიმტკიცებენ სწავლების განვლილ ეტაპებზე (ძველი სომხური ენა 1–2) მიღებულ სისტემურ ცოდნას, კიდევ უფრო გაიმდიდრებენ ლექსიკურ მარაგს, რათა სტუდენტებმა შეძლონ საშუალო სირთულის ძველი სომხური მწერლობის ძეგლების (საისტორიო წყარო, ეპიგრაფიკული წარწერები) წაკითხვა და თარგმნა.

8. *სომხურიდან ქართულად თარგმნის თეორია და პრაქტიკა*
Theory and practice of translating from Armenian into Georgian

კურსი გულისხმობს გარკვევას როგორც მონათესავე და ტიპოლოგიურად მსგავსი, ასევე განსხვავებული ენებიდან თარგმანის თავისებურებებში, თარგმანის სახეობებში (წერილობითი და ზეპირი). სტუდენტი სწავლობს მხატვრული და მეცნიერული თარგმანისათვის დამახასიათებელ კომპონენტებს; ასევე ეცნობა ძველი სომხურიდან თარგმნის თავისებურებებს; ასრულებს სხვადასხვა შინაარსისა და სირთულის ტექსტების წერილობით თარგმანს.

9. *სომხური ლიტერატურისა და ფოლკლორის ისტორია 1*
History of the Armenian Literature and Folklore 1

კურსი ფარგლებში სტუდენტები შეისწავლიან სომხური ლიტერატურის პერიოდიზაციის პრინციპებსა და სომხური ლიტერატურის ისტორიისა და ფოლკლორის პირველ პერიოდს, ასევე, ფოლკლორისტიკის საფუძვლებს. სტუდენტი გაეცნობა სომხური ლიტერატურის ძირითად ჟანრებს და ლიტერატურის პირველი პერიოდის უმთავრეს წარმომადგენელთა ბიოგრაფიებსა და ძირითად ნაწარმოებებს.

10. *სომხური ლიტერატურისა და ფოლკლორის ისტორია 2*
History of the Armenian Literature and Folklore 2

კურსის ითვალისწინებს სტუდენტებს გააცნოს მეათე-მეთოთხმეტე საუკუნეების ძირითადი და უმნიშვნელოვანესი სომხური ლიტერატურული ძეგლები და ფოლკლორის ნიმუშები და მათი მიმართება მსოფლიო ლიტერატურასთან.

11. *სომხური ლიტერატურისა და ფოლკლორის ისტორია 3*

History of the Armenian Literature and Folklore 3

დისციპლინა მოიცავს მეთხუთმეტე-მეოცე საუკუნეების სომხური ლიტერატურის ისტორიის ზოგად კურსს; მისი გავლის შედეგად სტუდენტი გაეცნობა აღნიშნული პერიოდის ლიტერატურის ძირითად წარმომადგენლებს, მათ უმნიშვნელოვანეს ნაშრომებსა და აღნიშნული პერიოდის ლიტერატურისათვის დამახასიათებელ ზოგად ტენდენციებს.

12. სომხეთის ისტორია 1 History of Armenia 1

კურსი შეისწავლის სომხეთის ისტორიას უძველესი დროიდან მეათე საუკუნის ჩათვლით და იმ მოვლენებს, რომლებიც განაპირობებდა სომხეთის ისტორიული განვითარების თავისებურებებს. კურსის ფარგლებში სტუდენტი, ასევე, გაეცნობა მსოფლიო ისტორიის კონტექსტში სომხეთის ისტორიისა და კულტურის როლს.

13. სომხეთის ისტორია 2 History of Armenia 2

კურსი შეისწავლის სომხეთის ისტორიის კონკრეტული ეპოქის (მეთერთმეტე საუკუნიდან მეოცე საუკუნის დასაწყისის ჩათვლით) ფაქტებსა და მოვლენებს; სტუდენტი გაეცნობა კონკრეტულ ეპოქასთან დაკავშირებულ საისტორიო წყაროებსა და სამეცნიერო ლიტერატურას; გააანალიზებს და გაიაზრებს ქართულ-სომხური ისტორიულ ურთიერთობებს.

14. თანამედროვე სომხეთი (პოლიტიკა, ეკონომიკა, საზოგადოება) Armenia today (politics, economics, society)

კურსი შეასწავლის სომხეთში არსებულ ვითარებას საბჭოთა კავშირის დაშლისა და დამოუკიდებლობის გამოცხადების შემდგომ პერიოდში. სტუდენტი გაეცნობა სომხეთის თანამედროვე მდგომარეობას, იქ არსებულ პოლიტიკურ ვითარებას, ქართულ-სომხური ურთიერთობებს თანამედროვე ეპოქაში, არსებულ პრობლემებსა და პერსპექტივებს.

15. საქართველოსა და სომხეთის ეკლესიების ურთიერთობათა ისტორია (IV-XIX სს.) The History of relations of the Georgian and Armenian Churches from the fourth to the nineteenth centuries

კურსი შეისწავლის ქართული და სომხური ეკლესიების ურთიერთობის ისტორიას, მათი მრწამსებისა და საწესო პრაქტიკის თავისებურებებს. აღნიშნული საკითხების შესწავლა მნიშვნელოვანია ქრისტიანული კავკასიის ისტორიისა და მწერლობის სწორად გაგებისათვის.

16. ქართულ-სომხური ენობრივი და ლიტერატურული ურთიერთობები Georgian-Armenian linguistic and literary relations

კურსის ფარგლებში სტუდენტი გაეცნობა ქართულ-სომხური ენობრივი და ლიტერატურული ურთიერთობების მთავარ პრობლემებს, ამ პრობლემების შესახებ არსებულ ყველა ძირითად და მნიშვნელოვან ლიტერატურას და წყაროს, შესაბამისი პრობლემატიკის კვლევის კრიტიკულ მეთოდებს.

17. სათარჯიმნო პრაქტიკული ახალ სომხურ ენაში

Practice course in translation and interpreting in Modern Armenian language

კურსის განმავლობაში სტუდენტს გამოუმუშავდება დაგროვებული ცოდნის თარგმნისთვის გამოყენების უნარი. კერძოდ, სტუდენტი იძენს თარგმნის ზოგიერთ ავტომატურ ჩვევას, იწაფება მყარ სინტაქსურ და ფრაზეოლოგიურ კონსტრუქციებსა და თანამედროვე ტერმინოლოგიაში, რომლებიც ჩვეულებრივ გამოიყენება ოფიციალურ გამოსვლებსა და დიალოგებში, პრესაში, ოფიციალურ და პირად კორესპონდენციაში, დოკუმენტებში, კონტრაქტებში, სანოტარო და ა.შ. საქმიანობაში.

არჩევითი კურსები (Optional courses)

1. ახლო აღმოსავლეთის ქვეყნებისა და საქართველოს ისტორიული ურთიერთობები *Historical Relations of the Middle East Countries and Georgia*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლის ახლო აღმოსავლეთის ქვეყნებთან (არაბული ქვეყნები, ირანი, თურქეთი) საქართველოს მრავალსაუკუნოვანი ისტორიული ურთიერთობის პოლიტიკურ-იდეოლოგიურ, სოციალურ-ეკონომიკურ და კულტურულ ასპექტებს; განსაკუთრებული ყურადღება დაეთმობა იმ აღმოსავლური (არაბული, სპარსული, თურქული) წყაროების გაანალიზებას, რომლებიც შეიცავს ცნობებს საქართველოს შესახებ.

2. აღმოსავლური კულტურა *Oriental Culture*

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლის ახლოაღმოსავლური კულტურის წარმოშობისა და განვითარების ისტორიას; სტუდენტები გაეცნობიან მუსლიმ მეცნიერთა წვლილს ჰუმანიტარული და საბუნებისმეტყველო მეცნიერებების ჩამოყალიბებაში, ასევე მუსლიმური კულტურის ზეგავლენას დასავლეთ ევროპის ქრისტიანულ კულტურაზე, არაბულ-მუსლიმური

კულტურის გამოვლინების ფორმებს საქართველოში, საქართველოდან გამოსულ მუსლიმთა როლს საერთო მუსლიმური კულტურის შექმნაში.

3. *ახლო აღმოსავლეთის საზოგადოებრივი გეოგრაფია*

Human Geography of the Middle East

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი შეისწავლით საქართველოს მეზობელი ვრცელი რეგიონის - ახლო აღმოსავლეთის - სოციალურ, კულტურულ, ისტორიულ, პოლიტიკურ და ეკონომიკურ გეოგრაფიას; სტუდენტი შეიძენს ფართო განათლებას ზემოჩამოთვლილი დისციპლინების ფარგლებში და შეძლებს გეოგრაფიულ და ისტორიულ ურთიერთკავშირებში გარკვევას.

4. *ქართული ტექსტის ლინგვისტურ-სტილური ანალიზი 1*

Linguistic-stylistic Analysis of the Georgian text 1

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსი სტუდენტს მისცემს ფართო ცოდნას ქართული ენის გრამატიკის, კერძოდ, სახელთა ჯგუფთან დაკავშირებულ ყველაზე ძირითად საკითხებში; ამასთანავე, კურსი ითვალისწინებს სამეტყველო ენის დახვეწასა და, ზოგადად, ენობრივი კულტურის გაუმჯობესებას.

5. *ქართული ტექსტის ლინგვისტურ-სტილური ანალიზი 2*

Linguistic-stylistic Analysis of the Georgian text 2

(არაბისტიკის, ირანისტიკის, ებრაისტიკა-არამეისტიკის, არმენოლოგიისა და თურქოლოგიის საბაკალავრო პროგრამების არჩევითი საგანი)

კურსის ფარგლებში მოხდება განვლილ საფეხურზე (ქართული ტექსტის ლინგვისტურ-სტილური ანალიზი 1) მიღებული ცოდნის განმტკიცება და გაღრმავება, რაც, თავის მხრივ, უმნიშვნელოვანეს დახმარებას გაუწევს სტუდენტებს, გამოუმუშავდეთ კომპარატიული აზროვნების უნარი. კურსი, აგრეთვე დიდ გავლენას მოახდენს ფილოლოგიური, კერძოდ კი, ლინგვისტური აზროვნების მასშტაბის გაფართოებაში.

6. *ლიტერატურატურის ტიპოლოგიური კლასიფიკაცია*

Typological classification of literature

(არაბისტიკის, ებრაისტიკა-არამეისტიკისა და თურქოლოგიის საბაკალავრო პროგრამების არჩევითი საგანი)

კურსი მოიცავს და განიხილავს ლიტერატურული სისტემის კლასიფიკაციას გვარებად, ჟანრებად და სახეებად. მისი ამოცანაა ცალკეული ლიტერატურული გვარებისა და ჟანრების ზოგად კანონზომიერებათა აღწერა, მსგავსებათა გამოვლენა, განსხვავებათა დიფერენციაცია, ჟანრულ ქვესახეობათა სრულყოფილად წარმოჩენა და გააზრება ეპოქალური მოვლენების კონტექსტში.

7. თანამედროვე არაბი ავტორი ორიგინალში (სირიულ-ამერიკული ლიტერატურული სკოლა)

Modern Arabic Author in the Original (Syrian-American Literary School)

(არაბისტიკის საბაკალავრო პროგრამების არჩევითი საგანი)

კურსის მსვლელობისას გათვალისწინებულია სტუდენტის გაწაფვა ორიგინალური, არადაპტირებული არაბული მხატვრული ტექსტის კითხვაში და ამისთვის აუცილებელი უნარების გამომუშავება. ამ მიზნით შერჩეულია სირიულ-არაბული ლიტერატურული სკოლის ორი კორიფეს - ჯებრან ჯებრანისა და ამინ რეიჰანის მცირე ფორმატის მხატვრული პროზა.

8. სირიული დიალექტის ელემენტარული პრაქტიკული კურსი

The elementary practical course of Syrian Arabic Dialect

(არაბისტიკის საბაკალავრო პროგრამების არჩევითი საგანი)

კურსის ფარგლებში სტუდენტი პრაქტიკულად შეისწავლის სირიული დიალექტის სპეციფიკას და საფუძვლებს, რაც გულისხმობს მოცემულ ენობრივ სივრცეში (სირია, ლიბანი, იორდანია, პალესტინელი არაბები) მოქმედი სასაუბრო არაბულის შეთვისებას და მის სრულყოფას.

9. ეგვიპტური დიალექტის ელემენტარული პრაქტიკული კურსი

The elementary practical course of Egyptian Arabic dialect

(არაბისტიკის საბაკალავრო პროგრამების არჩევითი საგანი)

კურსი შეასწავლის სტუდენტს ეგვიპტურ დიალექტზე მეტყველების ელემენტარულ უნარებს, რათა ეგვიპტურ გარემოში ყოფნისას კურსდამთავრებულისთვის არ იყოს ძნელი პირველადი საკომუნიკაციო კონტაქტების დამყარება იმ პირებთან, რომელთაც არ იციან სალიტერატურო არაბული, ან ურჩევნიათ ეგვიპტურ დიალექტზე მეტყველება.

10. ნიზამის ენა რომანული პოემების მიხედვით (ტექსტის ლინგვისტური ანალიზი)

Nizami's language according to romantic poems (Linguistic analysis of text)

(ირანისტიკის საბაკალავრო პროგრამების არჩევითი საგანი)

დისციპლინა შეისწავლის შუა საუკუნეების სპარსულენოვანი პოეზიის უდიდესი წარმომადგენლის, ნიზამი განჯელის (1141-1209) ენას. ამ თვალსაზრისით, კურსის მსვლელობისას განიხილება პოეტის ორი რომანული პოემა - "ხოსრო ვო შირინი" და "ლეილი ვო მაჯნუნი." შერჩეული ფრაგმენტები გაანალიზებულია ლინგვისტური თვალსაზრისით, რაც მოიცავს ტექსტის დაწვრილებით ანალიზსა და თავისებურებათა გამოყოფას.

11. სპარსული ფოლკლორი

Persian Folklore

(ირანისტიკის საბაკალავრო პროგრამების არჩევითი საგანი)

კურსის ფარგლებში სტუდენტები გაეცნობიან ირანელების ზეპირსიტყვიერებას. სპარსული ფოლკლორის სწავლება მოიცავს სამ ბლოკს: I. ზოგადი ფოლკლორისტიკის ელემენტები; II. ირანული ფოლკლორისტიკის ისტორია; III. სპარსული ფოლკლორის ნიმუშები.

12. ოსმალური ენა 1

The Ottoman Turkish Language

(თურქოლოგიის საბაკალავრო პროგრამების არჩევითი საგანი)

კურსის ფარგლებში სტუდენტი შეისწავლის არაბულ გრაფიკას, კონსონანტთა გადაბმის წესებს, ხმოვანთა სისტემას, მიიღებს საბაზისო ცოდნას ოსმალური ენის ფონეტიკა-ფონოლოგიასა და მორფოლოგიაში. კურსის გავლის შემდეგ სტუდენტი შეძლებს ოსმალურად მარტივი ტექსტების კითხვას.

13. ოსმალური ენა 2

The Ottoman Turkish Language

(თურქოლოგიის საბაკალავრო პროგრამების არჩევითი საგანი)

კურსის ფარგლებში სტუდენტი გაიღრმავებს წინა საფეხურზე (ოსმალური ენა 1) მიღებულ ცოდნას მორფოლოგიაში და შეისწავლის სინტაქსის ძირითად საკითხებს. განსაკუთრებული ყურადღება დაეთმობა ენაში დამკვიდრებულ არაბულ კონსტრუქციებს, არაბული ზმნის თემათა სისტემას. კურსის გავლის შემდეგ სტუდენტი შეძლებს ოსმალურად მარტივი ტექსტების კითხვას და გამოუმუშავდება ამ საგანში მუშაობისთვის საჭირო უნარ-ჩვევები.

14. ებრაული და არამეული ენების ისტორიული ფონეტიკა და ფონოლოგია

History of phonetic and phonology system of Hebrew and Aramaic languages

კურსი შეისწავლის ებრაული და არამეული ენების ფონეტიკისა და ფონოლოგიის ძირითად თავისებურებებს, როგორც სინქრონულ, ისე დიაქრონიულ პერიოდში, გააანალიზებენ სხვა სემიტურ ენებთან ებრაული და არამეული ენის მსგავსება-განსხვავებას და ურთიერთმიმართებებს.

15. ხეთური ენა 4

Hittite language 4

(ასიროლოგიის საბაკალავრო პროგრამის არჩევითი საგანი)

კურსის მსვლელობისას აქცენტი კეთდება ლექტორის მიერ შემოთავაზებული სხვადასხვა ჟანრის და ნებისმიერი სირთულის ხეთურ ტექსტზე მუშაობაზე, მათ

გრამატიკულ-ფილოლოგიურ ანალიზზე. სტუდენტი უნდა გაიწაფოს ტექსტის ლურსმული პირის კითხვაში და შეძლოს ტრანსლიტერაციის გაკეთება ნებისმიერი ხეთური ლურსმული ტექსტისა (იგულისხმება ტექსტი, რომელიც არ არის გამოცემული ან არ ყოფილა ლექცია-სემინარებზე სპეციალურად დამუშავებული).

16. შუმერული ენა 4

Sumerian language 4

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი გაიღრმავებს და განიმტკიცებს წინა საფეხურებზე (შუმერული ენა 1–3) მიღებულ ცოდნას, რის შედეგადაც იგი შეძლებს დაამუშაოს ნებისმიერი სირთულის შუმერული წერილობითი ძეგლი, რაც გულისხმობს ტექსტის ტრანსლიტერირებასთან ერთად, მისი ტრანსკრიფციის მომზადებას.

17. შუმერული მწერლობა

Sumerian literature

(ასირიოლოგიის საბაკალავრო პროგრამის არჩევითი საგანი)

კურსი შეისწავლის შუმერული ენის, შუმერული ლურსმული დამწერლობისა და მწერლობის სხვადასხვა დარგის შესახებ არსებულ ზოგად მახასიათებლებს. სტუდენტი შეიძენს სისტემურ ცოდნას ლურსმული დამწერლობის არსში და გაეცნობა სხვადასხვა შინაარსის მქონე შუმერულენოვანი ტექსტის თავისებურებებს.

18. შუმერული ენიდან თარგმანის თეორია

Theory of translation into Sumerian Language

(ასირიოლოგიის საბაკალავრო პროგრამის არჩევითი საგანი)

კურსი შეისწავლის შუმერული ენის საკვანძო საკითხებს. სტუდენტი წარმოდგენილი მაგალითების გარჩევისას ხელმეორედ დაუბრუნდება შუმერული ენის გრამატიკას და უფრო ღრმად გაიაზრებს ენის სტრუქტურას. გაარჩევს ნაწყვეტებს თარგმნილი ტექსტებიდან შესაბამისი კომენტარებით. შედეგად სტუდენტი გაერკვევა ამ ურთულესი ენიდან თარგმანის საკითხებში. სალექციო კურსი მომზადებულია უახლეს გამოკვლევებზე დაყრდნობით.

19. გილგამეშის ეპოსი

Epic of Gilgamesh

(ასირიოლოგიის საბაკალავრო პროგრამის არჩევითი საგანი)

კურსის მსვლელობისას სტუდენტი შეისწავლის და დაამუშავებს სამხრეთ შუამდინარეთის ლიტერატურულ ძეგლებს, კერძოდ ქ. ურუქის ლიტერატურული ტრადიციის გვირგვინს – გილგამეშის ეპოსის ყველა ვერსიას.

20. აქადური ენა 4

Akkadian Language 4

(ასირიოლოგიის საბაკალავრო პროგრამის არჩევითი საგანი)

კურსის გავლის შედეგად ბაკალავრი გაიღრმავებს და განიმტკიცებს წინა საფეხურებზე (აქადური ენა 1,2,3) მიღებულ ცოდნას. სტუდენტები წაიკითხავენ აქადურ ენაზე შესრულებულ სხვადასხვა ჟანრის (ლიტერატურულ, ისტორიულ, რელიგიურ, მითოლოგიურ) ტექსტებს, შეისწავლება აღნიშნული ტექსტების ტრანსლიტერირება, ტრანსკრიბირება, გრამატიკული ანალიზი და თარგმანი.

21. ეგვიპტური ენა 1

Egyptian language 1

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი შეისწავლის ეგვიპტური ენის გრამატიკის საფუძვლებს, გაეცნობა იეროგლიფური დამწერლობის თავისებურებებს, თანდათან შეაჩვევა იეროგლიფური ტექსტების კითხვას და ტრანსლიტერაციას.

22. ეგვიპტური ენა 2

Egyptian language 2

(ასირიოლოგიის საბაკალავრო პროგრამის არჩევითი საგანი)

კურსი, არსებითად, ეგვიპტური ენა 1–ის გაგრძელებაა. მისი გავლის შედეგად სტუდენტი დაეუფლება რთულ გრამატიკულ კონსტრუქციებს და შეივსებს ლექსიკურ მარაგს. ნასწავლი გრამატიკული და ლექსიკური მასალის განმტკიცდება სათარგმნი ტექსტებითა და სავარჯიშოებით.

23. ეგვიპტური ენა 3

Egyptian language 3

(ასირიოლოგიის საბაკალავრო პროგრამის არჩევითი საგანი)

კურსის ფარგლებში გათვალისწინებულია წინა საფეხურზე (ეგვიპტური ენა 1,2) მიღებული ცოდნის გაღრმავება და განმტკიცება. შედეგად, სტუდენტს საშუალება მიეცემა თარგმნოს ეგვიპტურ ენაზე დაწერილი ნებისმიერი სირთულისა და ჟანრის ტექსტი.

24. ურარტული ტექსტები

Urartian texts

(ასირიოლოგიის საბაკალავრო პროგრამის არჩევითი საგანი)

კურსის ფარგლებში სტუდენტი ურარტული ტექსტების კითხვის მეშვეობით გაეცნობა ურარტული ენისა და დამწერლობის საფუძვლებს, ურარტუს ისტორიასა და კულტურას.

25. ასირიოლოგიის შესავალი

Introduction to Assyriology

(ასირიოლოგიის საბაკალავრო პროგრამის არჩევითი საგანი)

კურსი შეისწავლის ასირიოლოგიის რაობას, მის ქრონოლოგიურ და გეოგრაფიულ ჩარჩოებს, თემატიკას, ძირითად პრობლემატიკას და მათი შესწავლის მეთოდოლოგიურ საფუძვლებს.

26. ბუდიზმი

Buddhism

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის უძველეს მსოფლიო რელიგიას – ბუდიზმსა და ბუდისტურ სამყაროს, მისი არსის წარმოშობის ისტორიას, მთავარ მიმდინარეობებს, გავრცელების არეალსა და მნიშვნელობას მსოფლიო კულტურის საგანძურში. კურსის ფარგლებში აზიის დიდი სახელმწიფოების (ინდოეთი, ჩინეთი, კორეა, იაპონია) ნიმუშზე განიხილება ბუდიზმის, როგორც ფილოსოფიურ-რელიგიური მოძღვრების, სპეციფიკური ნიშან-თვისებები ისტორიული განვითარების სხვადასხვა ეტაპებზე.

27. იაპონიის ახალი და უახლესი ისტორია

Modern and Contemporary History of Japan

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის იაპონიის ისტორიის საკვანძო საკითხებს პოლიტიკური, სოციალურ-ეკონომიკური და კულტურული პროცესების სპექტრში; საერთაშორისო ურთიერთობების ფონზე (ახალი და უახლესი პერიოდი) ქრონოლოგიური თანმიმდევრობით განიხილება ისტორიული ფაქტები და მოვლენები იაპონიაში ტოკუგავას დინასტიის მმართველობის ხანიდან (1603-1867) მოყოლებული თანამედროვე პერიოდამდე.

28. იაპონიის ეკონომიკა

Economic of Japan

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნების სამეურნეო ცხოვრების იმ ელემენტებს, რომლებიც კონკრეტულ ისტორიულ პირობებში ჩამოყალიბდა და ვითარდება; იაპონიის განვითარების მოდელზე დაყრდნობით, სტუდენტები გაეცნობიან თანამედროვე საბაზრო ეკონომიკის კანონზომიერებებს, ეზიარებიან იაპონიის ეკონომიკური განვითარების მდიდარ გამოცდილებას.

29. ჩინეთის ახალი და უახლესი ისტორია

Modern and Contemporary History of China

(შორეული აღმოსავლეთის რეგიონის მცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის ისეთ საკვანძო საკითხებზე, როგორცაა ჩინეთის პოლიტიკა I და II მსოფლიო ომში, ჩინეთის სახალხო რესპუბლიკის ჩამოყალიბება, მათი მედუნის

მმართველობა, “კულტურული რევოლუციის” კრახი, ჩინეთის ახალი ეკონომიკური პოლიტიკა, სოციალური და ფინანსური რეფორმები, საგარეო და საშინაო პოლიტიკა, ჩინეთ-საქართველოს ურთიერთობები.

30. ჩინეთის ეკონომიკა

Economic of China

(შორეული აღმოსავლეთის რეგიონისმცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნების სამეურნეო ცხოვრების იმ ელემენტებს, რომლებიც კონკრეტულ ისტორიულ პირობებში ჩამოყალიბდა და ვითარდება; საგანგებო ყურადღებაა გამახვილებული ჩინეთის სოციალურ-ეკონომიკური განვითარების თავისებურებებზე; ჩინეთის განვითარების მოდელზე დაყრდნობით, სტუდენტები გაეცნობიან თანამედროვე საბაზრო ეკონომიკის კანონზომიერებებს, ეზიარებიან ჩინეთის ეკონომიკური განვითარების მრავალფეროვნებასა და გამოცდილებას; წარმოჩნდება მსოფლიო ეკონომიკაში ჩინეთის სამეურნეო განვითარების როლი.

31. ევროპელების შეღწევა და ქრისტიანობის გავრცელება შორეულ აღმოსავლეთში

Penetrate of the Europeans and Spread of Christianity in the Far East

(შორეული აღმოსავლეთის რეგიონისმცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის ქვეყნებში ევროპელების გამოჩენის ისტორიას, ქრისტიანობის გავრცელებასა და მის შემდგომ ბედს შესასწავლ რეგიონში. ყურადღება აქცენტირებულია იმ გარემოებაზე, რომ უძველესი ტრადიციებისა და ფილოსოფიურ-რელიგიური მოძღვრების მძლავრ კერებში დასავლეთიდან შეღწეულმა ქრისტიანულმა სარწმუნოებამ საგრძნობი გავლენა მოახდინა მათ პოლიტიკურ და კულტურულ ცხოვრებაზე.

32. ისტორიული ქალაქები და საქალაქო ცხოვრება შორეულ აღმოსავლეთში

Historical Cities and City Life in the Far East

(შორეული აღმოსავლეთის რეგიონისმცოდნეობის დამატებითი საბაკალავრო პროგრამის არჩევითი საგანი)

კურსი შეისწავლის შორეული აღმოსავლეთის (უმთავრესად ჩინეთისა და იაპონიის) ისტორიულ ქალაქებსა და საქალაქო ცხოვრებას. ყურადღება გამახვილებულია ისეთ სფეროებზე, როგორებიცაა: ქალაქების ისტორია, ყოველდღიური ყოფა-ცხოვრება, დემოგრაფია, ვაჭრობა-ხელოსნობა, მმართველობის ფორმები, საქალაქო კულტურა, სანახაობრივ-გასართობი დაწესებულებები და სხვა. შედარებითი ანალიზის საფუძველზე შესწავლილია სხვადასხვა რეგიონისა და ისტორიული პერიოდის ქალაქები, წარმოჩენილია მათი სპეციფიკური ნიშან-თვისებები.